



Ai chi yw Gweithlu Gwybodeg Iechyd y dyfodol?

Bydd arnoch angen yr egni a'r ddawn greadigol i wthio eich sgiliau i'r eithaf, i sefyll i fyny a chael eich cydnabod, wrth ennill cymhwyster cydnabyddedig yn y sector Gwybodeg Iechyd.

Mae Gwasanaeth Gwybodeg GIG Cymru (NWIS) yn cefnogi tair prentisiaeth amser llawn i gynnig cyfleoedd gyrfaoel cyffrous yn y meysydd canlynol:

Prosiectau a Rhaglenni

Byddwch chi'n cynorthwyo'r tîm yn rhagweithiol i ddatblygu cynlluniau tymor hir ar gyfer Gwasanaeth Gwybodeg GIG Cymru, gyda rhanddeiliaid mewnol ac allanol pwysig. Byddwch yn cynorthwyo ag adolygu ac adrodd ar berfformiad ar gyfer Gwasanaeth Gwybodeg GIG Cymru a chefnogi cyflwyno gwella gwasanaethau i ehangu cyflwyno gwasanaethau TGCh ar gyfer GIG Cymru. Ochr yn ochr â gweithio gyda'r tîm arloesol hwn, byddwch hefyd yn cwblhau cwrs dysgu o bell Lefel 4 mewn Gwybodeg Iechyd, i gefnogi eich rôl.

Gwasanaethau Gwybodaeth

Byddwch chi'n cynorthwyo'r tîm i gasglu data o ffynonellau niferus ar draws gofal iechyd Cymru, ac yn cefnogi amrywiaeth o gronfeydd data cenedlaethol sy'n cynnwys gofal eilaidd, genedigaethau, marwolaethau, iechyd plant, a mwy. Byddwch chi'n cynorthwyo i ddatblygu porth deallusrwydd i ganiatáu mynediad canolog at yr holl ddata, i ddadansoddi, ffurfio a gwella'r gofal y mae cleifion yn ei dderbyn. I gefnogi'r rôl, byddwch chi hefyd yn cwblhau Prentisiaeth Gradd Uwch mewn Gwyddor Data ym Mhrifysgol Abertawe unwaith yr wythnos.

Seilwaith Craidd

Byddwch chi'n cefnogi'r timau i gyflwyno gwasanaethau seilwaith gweithredol, fel rhwydweithio, monitro a storio ar weinydd. Bydd y rôl yn darparu set amrywiol a heriol o dasgau yn gweithio ar draws sawl tîm seilwaith. Bydd y cyfle i weithio gyda sawl math o dechnoleg, ynghyd â chritigolrwydd gwasanaethau, yn sicrhau dealltwriaeth eang o'r heriau technegol sy'n gysylltiedig â chynnal gwasanaethau. Byddwch hefyd yn cyflawni Prentisiaeth Gradd Uwch mewn Seiberddiogelwch ym Mhrifysgol Abertawe unwaith yr wythnos.

Mae hwn yn gyfle cyffrous i ymuno â rhaglen arloesol wrth ennill cyflog.

(Cyflog Band 3 £18,813). Cewch fynediad at lwybr dysgu wedi'i ddewis yn benodol ar gyfer y rôl a chewch eich cefnogi gan fentoriaid a rheolwyr profiadol trwy gydol eich prentisiaeth. Fel prentis sy'n gweithio mewn sector sy'n tyfu'n gyflym, byddwch chi'n ennill a datblygu eich sgiliau, ac yn dod yn weithiwr gwybodeg iechyd proffesiynol y dyfodol.

Rydym ni'n awyddus i ddenu sbectrwm eang o ymgeiswyr o gefndiroedd amrywiol. Os oes gennych chi'r ddawn, y brwdfrydedd a'r agwedd gywir, hoffem glywed gennych.

I wneud cais, anfonwch lythyr eglurhaol a CV at NWIS-HR.Shared@wales.nhs.uk

Y dyddiad cau ar gyfer ceisiadau yw dydd Gwener, 21 Mehefin am 5pm.

Nodwch pa brentisiaeth yr hoffech wneud cais amdano.





GIG
CYMRU
NHS
WALES | Gwasanaeth
Gwybodeg
Informatics
Service

Tŷ Glan-yr-Afon
21 Heol Ddwyreiniol Y Bont-Faen, Caerdydd CF11 9AD
21 Cowbridge Road East, Cardiff CF11 9AD
Ffôn/Tel: 02920 500500

Rydym ni'n croesawu ymgeiswyr sydd angen Tystysgrif Nawdd (Cyffredinol) Haen 2, a chânt eu hystyried, ond byddant yn amodol ar fodloni prawf y farchnad lafur preswyl, oni bai fod yna eithriad. Mae angen cydymffurfio â phob arweiniad arall a osodir gan Fisâu a Mewnfudo y DU (UKVI) hefyd. Ewch i wefan UKVI i gael mwy o wybodaeth. Os bydd cael eich cyflogi'n llwyddiannus yn amodol ar Hawl i Weithio am Amser Penodol, yna bydd daliadaeth ein contract cyflogaeth wedi'i chyfyngu i adlewyrchu hyn.



GIG
CYMRU
NHS
WALES | Gwasanaeth
Gwybodeg
Informatics
Service

Angerddol am wneud gwahaniaeth
Darparu gwybodaeth a thechnoleg ar gyfer gofal gwell
Passionate about making a difference
Delivering information and technology for better care